

სახელმწიფო შესყიდვის შესახებ ხელშეკრულება №მომს/

ქ. თბილისი

ერთის მხრივ, შპს “საქაერონავიგაცია” (შემდგომში, შემსყიდველი) წარმოდგენილი გენერალური დირექტორის, გოჩა მეზურიშვილის სახით და მეორეს მხრივ, ----- (შემდგომში, მიმწოდებელი) წარმოდგენილი ----- სახით, ელექტრონული ტენდერის (№NAT) ჩატარების შედეგად ვდებთ სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულების ობიექტი

1.1. ხელშეკრულების ობიექტს წარმოადგენს შემსყიდველი ორგანიზაციის ფიქსირებული სატელეფონო ნომრებიდან საქალაქთაშორისო, საერთაშორისო და მობილური ოპერატორების ქსელების მიმართულებით კავშირის უზრუნველყოფის მომსახურების შესყიდვა (შემდგომში, მომსახურება).

1.2. გასაწევი მომსახურების დეტალური აღწერილობა, ერთეულის და მთლიანი ფასი მოცემულია დანართ №1-ში, რომელიც წარმოადგენს წინამდებარე ხელშეკრულების განუყოფელ ნაწილს.

1.3. შესყიდვის ობიექტის კლასიფიკატორის კოდი (CPV): 64227000.

1.4. ხარჯის რეგისტრაციის მოთხოვნის ნომერი: №.

მუხლი 2. ხელშეკრულების შესრულების კონტროლი

2.1. შემსყიდველი უფლებამოსილია განახორციელოს კონტროლი და ზედამხედველობა ხელშეკრულების პირობების შესრულებაზე, რომლის მიზანია მომსახურების გაწევის ვად(ებ)ის, მოცულობისა და ხარისხის შესაბამისობის დადგენა ხელშეკრულებით გათვალისწინებულ პირობებთან.

2.2. ხელშეკრულების პირობების შესრულებაზე კონტროლს შემსყიდველის სახელით განახორციელებს გიორგი მელაძე (კომუნიკაციების სამსახურის უფროსი).

მუხლი 3. ხელშეკრულების ღირებულება და ანგარიშსწორების წესი

3.1. ხელშეკრულების ჯამური ღირებულება შეადგენს ----- ლარს.

3.2. ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს (მათ შორის დღგ-ს). ანგარიშსწორება განხორციელდება მომსახურების გაწევის შემდეგ, ფაქტიურად ნასაუბრები წუთების მიხედვით. მომსახურების ტარიფის ანგარიში უნდა მოხდეს 1 წამის სიზუსტით.

3.3. გადახდის ფორმა: უნაღდო ანგარიშსწორება, საქართველოს ეროვნულ ვალუტაში.

3.4. ანგარიშსწორება განხორციელდება ფაქტიურად ნასაუბრები წუთების დეტალური ამონაწერის საფუძველზე, საგადასახადო ანგარიშ-ფაქტურისა და მიღება-ჩაბარების აქტის გაფორმებიდან 10 კალენდარული დღის ვადაში.

მუხლი 4. მხარეთა უფლება-მოვალეობანი

4.1. მიმწოდებელი ვალდებულია:

4.1.1. გასწიოს მომსახურება 2023 წლის 1 იანვრიდან 2025 წლის 31 დეკემბრის ჩათვლით, წინამდებარე ხელშეკრულებით (მისი დანართით) განსაზღვრული პირობების შესაბამისად.

4.1.2. შეასრულოს სახელშეკრულებო ვალდებულებები პირადად და არც მთლიანად და არც ნაწილობრივ არ გადასცეს ხელშეკრულებით გათვალისწინებული თავისი ვალდებულებები მესამე პირებს.

4.1.3. უზრუნველყოს სატელეფონო კავშირის შესაბამისობა საქართველოს კომუნიკაციების ეროვნული კომისიის მიერ განსაზღვრულ პარამეტრებთან ხელშეკრულების მოქმედების მთელი პერიოდის განმავლობაში.

4.1.4. უზრუნველყოს საკუთარი ტექნიკური საშუალებების გამართულ მდგომარეობაში ყოფნა.

4.1.5. თავისი ხარჯით დროულად აღმოფხვრას სატელეფონო კავშირის ხარვეზი (თუ დაზიანება გამოწვეულია მიმწოდებლის ბრალით).

4.1.6. ხელშეკრულების მოქმედების პერიოდში ყოველთვიურად წარუდგინოს ინფორმაცია შემსყიდველს საქალაქთაშორისო, საერთაშორისო და მობილურ ქსელში განხორციელებული ზარების ხანგრძლივობის და ღირებულების შესახებ (დეტალური ამონაწერი).

4.1.7. მომსახურების განხორციელების დაწყებისას უნდა უზრუნველყოს სერვისის მიწოდება მინიმალური წყვეტით (არაუმეტეს სამი საათისა).

4.1.8. უზრუნველყოს საუბრის სმენადობა მაღალი ხარისხით, ექოს გარეშე. სატელეფონო კავშირი უნდა შეესაბამებოდეს საქართველოს კომუნიკაციების ეროვნული კომისიის მიერ განსაზღვრულ პარამეტრებს. მომსახურების გაწევის სტანდარტი E1.

4.2. მიმწოდებელი უფლებამოსილია:

4.2.1. მოითხოვოს ხელშეკრულების ღირებულების დროული და სრული გადახდა.

4.2.2. მოითხოვოს ხელშეკრულების პირობების დაცვა.

4.3. შემსყიდველი ვალდებულია:

4.3.1. გადაუხადოს მიმწოდებელს ფაქტობრივად გაწეული მომსახურების ღირებულება ხელშეკრულებით დადგენილი წესით.

4.4. შემსყიდველი უფლებამოსილია:

4.4.1. არ გააფორმოს მიღების-ჩაბარების აქტი, თუ მომსახურება არ შეესაბამება ხელშეკრულებით დადგენილ მოთხოვნებს.

4.4.2. განახორციელოს კონტროლი და ზედამხედველობა ხელშეკრულების შესრულებაზე.

4.4.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.

მუხლი 5. მხარეთა პასუხისმგებლობა

5.1. ხელშეკრულებით დადგენილ ვადებში სახელშეკრულებო ვალდებულების შეუსრულებლობისათვის შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ჯამური ღირებულების 0.1%-ის ოდენობით ყოველი ვადაგადაცილებული დღისთვის, მაგრამ არაუმეტეს ხელშეკრულების ჯამური ღირებულების 10%-სა.

5.2. ხელშეკრულების ღირებულების გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო ხელშეკრულების ჯამური ღირებულების 0.1%-ის ოდენობით ყოველ ვადაგადაცილებულ დღისთვის, მაგრამ არაუმეტეს ხელშეკრულების ჯამური ღირებულების 10%-სა.

5.3. მხარეებს ყოველთვის აქვთ უფლება მოითხოვონ ხელშეკრულების შეუსრულებლობით ან/და არაჯეროვანი შესრულებით მიყენებული ზიანის ანაზღაურება საქართველოს კანონმდებლობით დადგენილი წესით.

მუხლი 6. ფორს-მაჟორი

6.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს პასუხისმგებლობის დაკისრებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

6.2. ხელშეკრულების მიზნებისთვის „ფორს-მაჟორი“ ნიშნავს მხარეებისთვის გადაულახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება იყოს გამოწვეული ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით და სხვა.

6.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისგან.

მუხლი 7. დავების გადაწყვეტა

7.1. მხარეები ვალდებული არიან მოაგვარონ ყველა უთანხმოება მოლაპარაკების გზით, ხოლო ურთიერთშეთანხმების მიუღწევლობის შემთხვევაში, დავას წყვეტს სასამართლო საქართველოს კანონმდებლობით დადგენილი წესით.

მუხლი 8. ხელშეკრულების მოქმედების ვადა

8.1. წინამდებარე ხელშეკრულება ძალაში შედის მხარეთა მიერ ხელმოწერის თარიღიდან და მოქმედებს 2026 წლის 31 იანვრის ჩათვლით.

მუხლი 9. დასკვნითი დებულებები

9.1. ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.

9.2. ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზედაც მხარემ უნდა შეატყობინოს მეორე მხარეს 1 კვირით ადრე.

9.3. ხელშეკრულების პირობების შეცვლა დაუშვებელია, თუ ამ ცვლილებ(ებ)ის შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის. ხელშეკრულების პირობების შეცვლა დასაშვებია საქართველოს სამოქალაქო კოდექსის 398-ე მუხლით განსაზღვრულ შემთხვევებში.

9.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად.

მხარეთა რეკვიზიტები

შპს „საქაერონავიგაცია“
მისამართი: ქ. თბილისი,
აეროპორტი, 0190
საიდენტიფიკაციო კოდი 208144051
საბანკო რეკვიზიტები:
სს “თიბისი ბანკი”
ბანკის კოდი TBCBGE22
ა/ა GE19TB7188636070100001

გენერალური დირექტორი
გონა მეზერიშვილი